

臺南市第一級古蹟概述（續）

范勝雄

民國七十二年十二月二十八日，內政部指定公布臺灣地區第一級古蹟十五處，臺南市占有其六。曰：赤嵌樓、二鯤身砲臺（億載金城）、臺南孔子廟、祀典武廟、臺灣城殘蹟、五妃廟。已爲文略述其沿革、史蹟，載於73 6 30本刊第三十五卷第二期。

民國七十四年八月十九日，內政部續指定公布增列臺南市第一級古蹟乙處，即大天后宮（寧靖王府邸）。爰依前例，略述其沿革、古蹟，以爲續刊。

七、大天宮（寧靖王府邸）

（一）沿革

臺南大天后宮在一元子園故址，原係明寧靖王朱術桂府邸。

朱術桂，字天球，別號一元子；明太祖九世孫遼王後，長陽郡王之次支。始授輔國將軍，唐王隆武改封寧靖王，依監國魯王督方國安軍。

明隆武二年（即清世祖順治三年，一六四六）歲杪，王與監國南下抵廈門。是時，鄭鴻逵迎淮王於軍中，請寧靖監其師；合芝龍子大木兵攻圍泉州，是王與鄭氏合作之始。

值粵東故將李承棟奉桂王子稱帝肇慶，改元永曆（即順治四年，一六四七），王因入揭陽，永曆令居鴻逵師中，月就所在地方支膳銀五十兩。永曆二年（一六四八）春，命

督鴻逵、成功師。永曆五年（一六五一）春，王與鴻逵旋閩，處金門，成功事王，禮意猶有可觀。

永曆十五年（一六六一）四月，成功取臺灣，不幸於翌年（即清聖祖康熙元年，一六六二）薨，嗣子經由廈門來臺靖師後復返。

永曆十七年（一六六三）九月，清軍會荷蘭攻金廈。十月，兩島俱破，王從鄭經之銅山。翌年（一六六四）二月渡臺灣，在鎮北坊赤嵌城南，濱臺江建府以居。自成功死，授餐之曲廢，視等編戶，無以資衣食；乃就竹瀝墾田數十甲，以贍朝哺。

永曆三十五年（即康熙二十年，一六八一）正月，鄭經薨。王聞靖海將軍調集水軍樓船進討，鄭氏諸臣燕雀處堂，晏如也；獨蒿目憂之，常言：「臺灣有變，我再無他往，當以身殉」。

永曆三十七年（即康熙二十二年，一六八三）六月，施琅克澎湖，二十六日鄭兵敗回。翌日，王加翼善冠，服四團龍袍，束玉帶，佩印綬，將寧靖王磨鈕印送交鄭克塽，拜辭天地祖宗，又書絕命詞曰：「艱辛避海外，總爲幾根髮，於今事畢矣，祖宗應容納！」書罷，結帛於梁，自縊而絕。

（註一）遺命將所居府邸捐爲佛寺。
是年八月十五日，施琅「直進鹿耳門，赤嵌泊艦，整旅登岸受降」（註二）。「以東征荷神效靈，疏請崇祀」（註三），改寧靖王府一元子園爲「天妃廟」，「同諸鎮捐俸鼎建，

棟宇尤爲壯麗，後有禪室，付住持僧奉祀」(註四)。

康熙二十三年(一六八四)，諸羅縣知縣季麒光置園二十一甲坐安定里，年收租粟一百二十五石以供香燈(註五)。

康熙五十九年(一七二〇)，翰林海寶冊封琉球還，奏言默祐封舟，奉旨春秋致祭，編入祀典(註六)。

康熙六十年(一七二一)，朱一貴變起，據爲王宮，旋事平。

雍正四年(一七二六)，御賜匾曰「神昭海表」，由臺灣總兵林亮擇吉於是年十一月二十八日，會同文武官員懸掛(註七)。

乾隆五年(一七四〇)十一月，鎮標左營遊擊石良臣於後殿左右建二廳(註八)。

乾隆三十年(一七六五)，臺灣知府蔣允焄以「古者廟制，前殿後寢；門堂夾室，祔在中門右，省牲、展饌、滌漑在中門左。……凡祭有正室，尤必有廟門外之夾室，古所謂告濯具、告充、告潔者視此。臺疆新闢，典章未備，諸神祠多不如制。……於武廟、龍神廟各增置外，次及天后神祠。……西定坊祠建置本舊，長官初至，行展謁禮，廟貌亦崇，所不如祭者，門外夾室耳。爰拓神祠右偏市民廬若干座，更建置之，計需番銀一千一百有奇，凡兩閱月竣事」(註九)。

乾隆四十三年(一七七八)，臺灣知府蔣元樞「特以歲久缺修，將就傾圯，……因首捐廉俸，並勸紳士之樂善者，選工飭材，重加修整，棟桷之朽壞者易之，丹粉之陳暗者塗之，……廟貌巍然，呈輝煥彩」(註一〇)。

乾隆四十九年(一七八四)，郡守孫景燧復修，董其事者紳士陳名標、韓日文(註一一)。



臺南大天后宮(圖1)

嘉慶元年（一七九六），紳士沈清澤、林有德、黃世綬輩，同住持僧超如復募修焉（註二二）。

道光十年（一八三〇），官民捐資重修，由三郊蘇萬利、金永順、李勝興總其事（註二三）。

咸豐六年（一八五六），官民捐資再修，三郊出款獨多（註二四）。

咸豐八年（一八五八），以天后宮鐘若虛懸者，「蓋其原鑄之時已非良匠，且歷年又遠，未免消磨，以致物雖備而空懸，音雖擊而不振」（註二五）。由董事鄭川澤、住持僧達源，同募緣重造。

清穆宗同治八年（一八六九）再修。

日據期間，迭有局部修葺及髹漆，但規模不大。

光復後，民國三十八年（一九四九）臺灣發生大地震，大天后宮三川門至拜殿間左壁呈現嚴重龜裂，對巷側民屋構成威脅，乃於民國三十九年（一九五〇）六月，重修左側廟壁，至民國四十一年（一九五二）底完成。

民國四十九年（一九六〇）三月，廟庭及側巷鋪裝地磚，便利信徒及居民出入，耗費新臺幣二萬三千八百元。

民國六十八年（一九七九），大天后宮三川門作門面整修。民國七十四年（一九八五），於廟右「龍目井」後，建管理室一處。

（二）古蹟

1 廟殿

臺南大天后宮於清初以前原稱「天妃宮」或「天妃廟」，晉封為天后後改稱「天后宮」或「天后廟」。陳文達之「

臺灣縣志」稱之為「大媽祖廟」，以別於水仔尾之「小媽祖廟」。媽祖即天后之俗稱，歷朝有顯聖褒封甚多：

宋徽宗宣和四年（一一二二），給事中允迪路公使高麗，感神功奉上，賜「順濟」廟額。

高宗紹興二十五年（一一五五），封「崇福夫人」。二十六年（一一五六），封「靈惠夫人」。二十七年（一一五七），加封「靈惠昭應夫人」。

孝宗淳熙十年（一一八三），以溫、臺勦寇有功，封「靈慈昭應崇善福利夫人」。

光宗紹熙元年（一一九〇），以救旱大功褒封，進爵「靈惠妃」。

寧宗慶元四年（一一九八），加封「助順」。六年（一二〇〇），朝廷以神妃護國庇民大功追封一家。開禧改元（一二〇五），以淮甸退敵奇功加封「顯衛」。嘉定改元（一二〇八），以救旱並擒賊神助加封「護國助順嘉應英烈妃」。

理宗寶祐改元（一二五三），以濟興泉餓加封「靈惠助順嘉應英烈協正妃」。三年（一二五五），以神祐加封「靈惠助順嘉應慈濟妃」。四年（一二五六），以錢塘堤成有功加封「靈惠協正嘉應善慶妃」。開慶改元（一二五九），以大焚強寇有功進封「顯濟妃」。

元世祖至元十八年（一二八一），以庇護漕運封「護國明著天妃」。二十六年（一二八九），以海運藉佑加封「顯佑」。

成宗大德三年（一二九九），以庇護漕運加封「輔聖庇民」。

仁宗延佑元年（一三一四），以漕運遭風得助加封「廣濟」。

文宗天曆二年（一三二九），以怒濤拯溺加封「護國輔聖庇民顯佑廣濟靈感動順福惠徽烈明著天妃」，遣官致祭天下各廟。

皇明太祖洪武五年（一三七二），以神功顯靈勅封「昭孝純正孚濟感應聖妃」。

成祖永樂七年（一四〇九），以神屢有護助大功加封「護國庇民妙靈昭應弘仁普濟天妃」，建廟都城外，額曰「弘仁普濟天妃之宮」。

宣宗宣德五年（一四三〇）、六年（一四三一），以出使諸番得庇，俱遣太監並京官及本府縣官員謁湄嶼致祭，脩整廟宇。

清康熙十九年（一六八〇），將軍萬以征勦廈門得神陰助取捷，並使遠遁，具本奏上，勅封「護國庇民妙靈昭應弘仁普濟天妃」。二十三年（一六八四），琉球冊使汪以水道危險荷神護佑復命，奏請春秋祀典；又將軍侯施以澎湖得捷默叨神助，奏請加封；俱差官齎香帛詔誥到湄褒嘉致祭。

雍正四年（一七二六），福建水師提督藍以克復臺灣，叨神顯助，御書匾額「神昭海表」，懸掛湄洲、廈門、臺灣三處天妃神祠。（註十六）。十一年（一七三三），又准總督郝玉麟、巡撫趙國麟奏，賜「錫福安瀾」匾額於福州南臺神祠，並令有江海各省一體葺祠致祭（註十七）。

乾隆二年（一七三七），勅封「護國庇民妙靈昭應弘仁

普濟福佑群生天后」（註十八）。

據聞，康熙二十二年（一六八三），清師征澎湖，恍有神兵導引。及屯兵媽宮澳，靖海將軍侯施琅謁廟，見神衣袍半濕，臉汗未乾，始悟實邀神助。又澳中有井泉，止可供數百口。是日駐師萬數，忽湧甘泉，汲之不竭。及克塽歸降，琅率舟師抵鹿耳門，復見神兵導引，海潮驟漲。表上其異，並改建寧靖王府為天妃廟（即今臺南大天后宮），疏請崇祀。又康熙六十年（一七二一），朱一貴變起，天后顯靈，鹿耳門水驟漲數尺，舟師揚帆並進，七日克復全臺。雍正四年（一七二六），巡臺御史禪濟布疏聞，御賜「神昭海表」之額，懸於今廟。（註十九）凡此皆為臺南大天后宮珍貴之史聞。

廟位於與赤嵌樓對峙之高地，與祀典武廟背側互倚（圖1）。坐東朝西，濱臨古臺江媽祖港。「舊時廟制：前為頭門，門外有臺，以為演獻之所；門內兩廊咸具。中為大殿，供奉神像。其後正屋二進，雜祀諸神。廟之右畔，有屋三進為官廳；周以牆垣。規模制度，頗稱宏敞」（註二十）。

中殿有七重閣，階階高昇，乃臺灣僅有之明季王府建築遺制。廟殿宏偉，其龍柱、珠礎、壁雕、石鼓等，圖案優美，鑄工精緻，集石刻藝術之大成，全臺廟宇無出其右（圖2、圖4）。廟右後有「龍目井」，與古臺江沿岸之烏鬼井、赤嵌井、大井、馬兵營井等齊名。

廟內從祀神社甚多，幾達百尊，堪稱臺灣民間信仰衆神之博物館。



(圖 3)

，雕浮壁嵌右左前門川三宮后天大南臺（4—2圖）

栩栩，態姿擅各，圖等駿八及虎龍有

出係，字題「嘯虎吟龍」上壁，生如

筆手翔朝張自



(圖 4)



(圖 2)

2 碑 記

臺南大天后宮有清代碑記七座，皆嵌於廟內牆壁。茲將各碑依立碑年代蒐錄於后：

號次	立碑年代	碑	名	撰	文	位	置	材質	尺	寸	(單位公分)
1	康熙24年正月	平臺紀略碑記		施	琅	享殿左壁		花崗石	280	×	76
2	康熙32年陽月	靖海將軍侯施公功德碑記				享殿右壁		花崗石	294	×	86
3	乾隆30年季春	重修天后宮增建更衣亭碑記		趙	宗潤	佛祖廳左壁		花崗石	231	×	81
4	乾隆43年	重修天后宮碑記		蔣	元樞	享殿左壁		花崗石	248	×	83.5
5	道光10年陽月	重興大天后宮碑記				享殿右壁		花崗石	142	×	81
6	咸豐6年五月	天后宮捐題重修芳名碑記				享殿左上壁		木	70.5	×	325.5
7	咸豐8年蒲月	天后宮鑄鐘緣起碑記		姚	鴻	享殿右上壁		木	94.5	×	211.2

平臺紀略碑記（康熙二十四年）

臺灣遠在海表，昔皆土番、流民雜處，末有所屬。及明季時，紅彝始有築城，與內地私相貿易。後鄭成功攻佔，襲踞四世。歲癸亥，余恭承天討，澎湖一戰，偽軍全沒，勢逼請降。余仰體皇上好生之仁，以八月望日直進鹿耳門，赤嵌泊艦，整旅登岸受降，市不易肆，雞犬不驚。乃下令曰：『今者提師跨海，要在平定安集。納款而後，臺人即吾人；有犯民間一絲一粟者，法無赦！』士無亂行，民不知兵。乃禮遣降王入京；散其難民盡歸故里，各僞官兵載入內地安插。公

事勾當，遂以子月班師。奏請於朝，爲置郡一、縣三；分水陸要地，設官兵以戍之。賦稅題減其半。

夫炎微僻壤，職方不載；天威遐播，遂入版圖。推恩陶俗，銷兵氣以光文治，端有望於官斯土者。是不可以無記。康熙二十四正月，太子少保內大臣靖海將軍靖海侯世襲罔替、解賜御衣龍袍、褒錫詩章、兼管福建水師提督事務施琅立。

重修天后宮增建更衣亭碑記（乾隆三十年）

臺口蓬島，未關口口名勝。至是邦口口資舟楫之利，海

波不揚，安瀾永慶，胥荷天后之德。我朝春秋享祀，典禮有加，官司奉行成俗共乃事。

后宮在郡西偏，殿宇峨峨，廟貌奕奕，□甚都。而外乏廡舍，每當大禮舉行，班聯候集，坐立階除，淑惜無餘地。夫嚴對越，効駿奔，將事之誠也；整冠裳，一齋莊，未事之敬也。雖三日七日（下缺若干字）庶司告虔有素；而戴星披月，稅駕停驂，曾不得從容靜穆之地，凜潔齋以相見，何以交神明而昭慎重歟？

太守蔣公，念籌建之未周、規模之未□，非□人任，度□廣謀經營。覓地廟右二畝許，構廳三進，爲更衣所。地雖窄，而氣象寬也；近市囂，而到此心肅也。門閤軒舉，觀瞻飭也；重興（下缺若干字）鎮而密也。濟濟師師，戒溫恭也；□□□□，齊思慮也。易□觀□而不薦，□□□□諸君子□□來蒞，蒞□未承，捫心自維何以稱，奏格何以譏？敬□何以祭，則受福何以□，不欲（下缺數字）中人，可不勉乎哉？

亭既成，士民樂公之能盡誠敬以事神也，請鐫諸石。此□足以見禮□之行，洽乎人心之同然者矣。書以記之。

公諱允君，字爲光。丁巳檢討，歷治四郡，特簡臺灣府知府，署觀察，理學政。貴州貴筑貴。

賜進士出身、御前侍衛、鑾儀衛、掌旌節司、知山西陽和城都司、福建臺灣鎮標左遊擊事、署南路營參將加一級、紀錄四次趙宗潤撰文，戊午科舉人、即用知縣王賓書丹。

乾隆三十年歲次乙酉季春穀旦。

捐立碑記紳衿姓氏：舉人林昂霄、陳名標、陳延魁、歐陽谷、姚天敏、貢生林宗憲、□時□、柯廷第、□聯拔、沈

士弘、蔡□培、許殿輔、陳廷□、郭廷瑚、韓□、徐仰高、沈廷觀、張維觀、陳紹黃、方達聖、魏天章、陳玉振、許伯龍、吳莊敬、蔡□、□夢花、趙璧□、吳南光、鄭汝璋、柯錫珍、蘇廷標、李□源、黃克明、陳廷暉、林登暉、林士瓊、李倚蘭、黃光觀、黃順經、黃兆茂、蔣大□、謝朝天、李士□、方達義、林允和、生員□得福、□□哲、吳天河、許高峰、陳正宗、趙孟知、趙孟得、馬維□、馬一鳴、陶房齡、陶昌齡、李廷□、吳維新、蔡聯苑、陳廷策、陳國寶、簡錫琦、劉錫珩、徐德賢、黃□、洪命衡、王世□、趙奇勳、賴世美、陳元□、趙文明、楊國華、洪讚勳、郭泰、楊震鵬、鄉貢林士棟、□□鄭耀卿、監生柯廷佐、施廷邦、吏員郭天池、道□司法金、張大成、童生張秉□、許拔□、吳南□、周廷基、趙璧、吳國珍、鄭光良、王必得、張維祿、謝肇昌、岳心孚、鄭□、謝啓緒、唐有□、張志高、黃勞、李茹員、謝啓明、張玉成、程□、周庭芳、吳□達、趙天祿、陳廷□、黃立猷、郭□賢、蘇士俊、徐□、徐邦傑、□□、（下缺董事十人名銜約四十八字）。

重修天后宮碑記（乾隆四十三年）

環瀛而處者，莫不述天后靈蹟。所在構璇宮、設寶幄、燕栴檀、奏絃匏、潔粢、洊牲、結幢、醴醴，而奉者相望也。蓋靈越百神，莫之與京矣。此邦啓疆內附，及乎奮威殄逆，天戈所指，靈潮應焉。是用蔚爲華區，措之磐石者百年。然則神慈之覆育斯郡，不更厚且遠哉？記有之：『有功德於民者則祀之』，郡載神之功德既重，則其享豐祀於茲土也固宜。

郡城西定坊有天后宮，蓋即著之祀典者也，凡春秋致祭暨航海往來，祈報無虛日。過其前者，恒肅容屏氣，若勿敢稍褻。□□既與役於郡中各祠廟，顧瞻斯宮，尤關宏鉅；則修葺曷容少緩？爰乃諏吉起工，廟貌以新，明煙倍肅，庶幾□□□恩歟？

且夫仁覆而愍下者、天也；天者、羣物之祖也。謂天，蓋高尊莫尊於天矣；而好生爲德，有祖道焉。則慈□□於昭聖神，尊之爲天，親之爲祖，肝蠻感格，呼吸與通，所爲拯拔羣倫，幾於不可思議。人或詫其蹟之靈□□固昭著若是，無惑乎馨香之永永也。或言神姓氏列於「十國春秋」，行迹頗近於仙；或又言神爲普門化身，亦□爲佛；余皆不敢定。因工役告成，記其大端如此。

特授福建臺灣府正堂、前護理分巡臺澎兵備道兼提督學政、隨帶加七級、紀錄八次、記功二十一次蔣元樞撰文。

乾隆四十三年（缺）月穀旦，督工□□。

重興大天后宮碑記（道光十年）

臺澎總鎮府音捐銀二百員。臺澎總鎮府觀捐銀一百員。臺澎總鎮府劉捐銀八十員。臺澎兵備道汪捐銀二百員。臺澎兵備道蓋捐銀四百員。臺澎兵備道葉捐銀一百員。臺澎兵備道胡捐銀一百員。臺澎兵備道劉捐銀四十員。臺灣府正堂鄭捐銀三百員。臺灣府正堂王捐銀八十員。臺海防分府邵捐銀一百員。臺海防分府吳捐銀一百員。臺海防分府蔣捐銀六十員。臺灣縣正堂溫捐銀一百員。臺灣縣正堂姚捐銀一百員。臺灣縣正堂范捐銀五十員。臺灣縣正堂李捐銀一百員。臺灣縣正堂顧捐銀六十員。

子爵軍門王捐銀四百員。

大商船捐銀三千八百五十員。六屬鹽課館捐銀一千大員。臺郡餉典鋪捐銀五百大員。澎船行捐佛銀四百六十員。鹿港頂郊捐佛銀三百大員。竹仔街捐銀二百七十四員。布郊瑞興捐銀二百三十八員。糖郊雙記、臺郡烟敢郊、杉行郊等各捐銀二百員。泉布郊捐佛銀一百八十員。武館街捐銀一百七十七員。宮後街捐佛銀一百五十員。綢緞布鋪捐銀一百五十員。郡敢鋪捐佛銀一百四十員。新興街捐銀一百三十一員。綢緞郊計捐銀三百二十元。糖間金成玉、絲線郊各捐銀一百二十員。郎中吳春貴、主簿吳世繩、監生黃拔萃、綢緞布郊、臺郡油車、林元美、廈鹿郊，各捐銀一百員。

臺郡布鋪捐佛銀九十員。通判杜天奎、附貢陳世珍、臺郡鼎郊、嘉笨敢郊，各捐銀八十員。小商船戶捐銀七十六員。佛頭港街捐銀六十五員。職員蘇德純、訓導張維新、開元吳吉、禾寮港街，各捐銀六十員。大人廟境捐銀五十六員。監生許向陽、陳暹老、南北廠，各捐銀五十員。

下米街境捐銀四十八員。下橫街捐佛銀四十八員。孝廉黃本淵、監生徐必榮、清如玉、吳吉川、草花郊，各捐銀四十員。老古石街捐銀三十二員。元會境捐佛銀三十二員。職員徐炳文、職員溫綢周、生員潘士俊、澎湖聖母、餉磨鋪、油釘鋪、總祿境、東嶽境，各捐銀三十員。火炭鋪捐佛銀二十八員。南勢街捐佛銀二十八員。本廟前捐銀二十七員半。臺郡紙鋪捐銀二十六員。臺郡茶鋪捐銀二十四員。粗糠崎下街捐銀二十四員。大崙蔡朝測捐銀二十二員。紅毛樓境捐銀二十二員。大關帝境捐銀二十一員。舉人黃名標、監生紀若羅、職員劉廷貴、職員許鍾雲、許高利、鹿肉鋪、各捐銀二

十員。

金瀛街捐銀一十九員。元和宮境、大埔街、臺郡魚行，各捐銀十八員。開基武廟捐銀十七員。關帝港街捐銀十七員。監生郭元珪捐銀十六員。鎮南門境捐銀十五員半。賴江河捐銀一十五員。上橫街捐銀一十五員。祝三多捐銀一十四員。大井頭捐銀一十三員。郡藤舖捐銀一十二員。廩生黃殿臣、稿書李德恩、稿書王大猷、江左劉及鋒、趙德興、許陞利、接官亭、普濟殿、嶺後街、藥材行、滋厚號，各捐銀十員。

媽祖樓捐佛銀九員。蔑街捐佛銀九員。枋橋頭捐銀八員。六。皮寮境捐佛銀八員。職員程德莊捐銀六員。文廟東捐銀六員半。羨仔林捐佛銀六員。打鐵街捐銀四員半。油巷尾捐銀四員。林玉娘捐銀四員。竹仔行捐銀三員。北勢街仔內捐銀三員。吳安臺捐銀二員。做針街捐銀二員。蔡拔萃、安海街、武廟前供棹店、廖氏，各捐銀一員。

總事：三郊蘇萬利、金永順、李勝興。
計捐銀一萬五千餘員。正義號、乾美號、石鼎美、張長慶，合捐銀二百四十員。

前董事：石克讚、陳瑛疆。續修董事：李璿成、郭友珠、林登雲、陳彥章、黃緝熙、郭文昶。

道光十年歲次庚寅陽月。

3區 聯

臺南大天后宮懸匾之多，堪爲臺灣之首。

御匾有雍正帝之「神昭海表」、咸豐帝之「德侔厚載」

、光緒帝之「與天同功」。

雍正朝有福建水師提督藍廷珍之「神潮微異」。

道光朝有臺灣道孔昭虔之「環海偏德」、臺灣道徐宗幹之「恪波宣惠」、臺灣知府方傳綏之「德伴天地」、臺灣知府白渾布之「惠澤羣生」、臺灣知縣范邦幹之「海國慈雲」、臺灣知縣王德潤之「恩周四海」、閩浙總督怡良之「慈航福庇」等。

同治朝有臺灣道洪毓琛之「厚德承天」。

光緒朝有臺南知府方祖蔭之「至哉坤元」。

日據時有臺南廳長松木茂俊之「靈昭海國」。

光復後有立法院長黃國書之「慈航普渡」、臺南市長葉廷珪之「護國佑民」、臺南市議長林全興之「后德配天」等。

（註二一）聯有臺灣道姚瑩之「皇清贊順安瀾八百載，神功廣運歷宋元明以翊」「天后宏仁利濟億萬祀，聖德長昭統江河海咸尊」。

註釋

（註一）見陳元圖之「明寧靖王傳」，載於高拱乾之「臺灣府志」（成書於康熙三十三年）卷十藝文志傳目。

（註二）見施琅之「平臺紀略碑記」。同註一記目。

（註三）見康熙高志卷二規制志壇廟目。

（註四）見康熙高志卷九外志寺觀（附）宮廟目。

（註五）見王必昌之「重修臺灣縣志」（成書於乾隆十七年）卷六祠宇志廟目。

（註六）同註五。

（註七）見「天妃顯聖錄」歷朝褒封致祭詔誥目。

（註八）同註五。

（註九）見蔣允焄之「增建天后宮官廳碑記」，載於余文儀之「續修臺灣府志」（成書於乾隆二十九年）卷二十二藝文（三）記目。另詳趙宗潤之「重修天后宮增建更衣亭碑記」，載於「臺灣南部碑文集成」

(註一〇) 見蔣元樞之「重修臺郡天后宮圖說」，載於「重修臺郡各建築圖說」。

(註一一) 見謝金鑾之「續修臺灣縣志」(成書於嘉慶十二年)卷二政志壇廟目。

(註一二) 同註一一。

(註一三) 見「重興大天后宮碑記」。同註九。

(註一四) 見「天后宮捐題重修芳名碑記」。同註九。

(註一五) 見姚鴻之「天后宮鑄鐘緣起碑記」。同註九。

(註一六) 同註七。

(註一七) 同註五。

(註一八) 見劉良璧之「重修福建臺灣府志」(成書於乾隆六年)卷九典禮(祠祀附)目。

(註一九) 同註五。

(註二〇) 同註一〇。

(註二一) 見桐峰之「臺南市廟宇的區額調查」，載於「臺南文化」新六期。

參考資料

(一) 臺灣府志(臺灣文獻叢刊第六五種)

(二) 重修臺灣縣志(臺灣文獻叢刊第一一三種)

(三) 臺灣南部碑文集成(臺灣文獻叢刊第二一八種)

(四) 天妃顯聖錄(臺灣文獻叢刊第七七種)

(五) 臺南市市區史蹟調查報告書 (洪敏麟 臺灣省文獻會六八、六、三〇)

(六) 臺南文化新六期(臺南市政府六八、一、五)

作者簡介

范勝雄

臺灣省臺南市人

成功大學畢業、高考及格

原任中油公司土木工程師

臺南市政府工務局技正

現任土木技師

纂修「臺南市志政事志建設篇」